



Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiārvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Quare actus voluntatis sit peccatum, si aliarum potentiarum no[n] sunt
peccata. B

urn:nbn:de:hbz:466:1-38829

*Responsio
secundum
quoddam.*

creati, qua cæteris animalibus præsunt: quæ crea-
tura in rebus creatis excellentissima, cum à Deo
iustificatur, à deformi forma in formosam muta-
tur formam, Erat enim etiam inter vicia natura
bona. Hæc autem imago, ratio est vel intellectus.
Cum ergo voluntas de naturalibus, sit quare ipsa
non semper bonum est, et si aliquando vitiis sub-
faceat? Ad hoc facile respódent, qui dicunt omnia
quæ sunt in quantū sunt, bona esse: quia & ipsam
voluntatem in quantum est, vel in quantum vo-
luntas est, ut supra posuimus, bonum esse afferūt:
sed in quantum inordinata est, mala est & pecca-
tum. Vbi potest ab eis rationabiliter quæri, Si vo-
luntas in quantum inordinata est, peccatum est:
quare ergo intellectus, ratio, & ingeniu & huius-
modi, cum inordinata sunt, peccata non sunt? In-
ordinata vero sunt sicut voluntas, cum ad rectum
finem non tendunt, eorumq actus prævaricatio-
nes existunt. Ad quod illi dicūt voluntatis nomi-
ne aliquando vim, scil. naturalem potentiam vo-
lendi, aliquando actum ipsius vis significari. Vis
autem ipsa naturaliter animæ insita, nunquam
peccatum est, sicut nec vis memorandi vel intelli-
gendi: sed actus huius vis, qui & voluntas dicitur,
tunc peccatum est, quando inordinatus est.

*Quare actus voluntatis fit peccatum, si actus aliarum po-
tentiarum non sunt peccata.*

Sed adhuc queritur. Quare huius naturalis po-
tentiaz actus peccatum sit, si aliarū potentiarum a-
ctus peccata non sunt, scil. potentiaz memorandi,
cuius actus est memorare: & potentiaz intelligendi
cuius actus est intelligere. Ad quod & ipsi dicunt,
quia alterius generis est actus ille voluntatis, quam
actus memoriaz vel intellectus. Hic enim actus est
ad aliquid adipiscendum vel non admittendū: qui
non potest esse de malis, quin sit malus. Velle. n.
mala malū est, sed intelligere vel memorare mala
malum

malum non est. Quamvis eorum quidam etiam hos actus malos esse interdum non improbè affirant. Memorat enim interdum quis malum ut faciat, & querit intelligere verum, ut sciat impugnare. Ecce qualiter soluitur præmissa quæstio ab his qui tradunt omnia esse bona in quantum sunt. Qui vero dicunt voluntates malas peccata esse, & nullo modo bona, breuius respondent, dicentes actum voluntatis non esse de naturalibus : sed vim ipsam & potentiam volendi, quæ semper bonum est, & in omnibus est, etiam in parvulis, in quibus nondum est eius actus.

Quomodo intelligendum sit illud, Et homo etiam qui seruus est peccati, naturaliter vult bonum.

C

Præterea queri solet. Quomodo intelligendum sit quod ait Ambr. exponens illud verbum Apostoli, Non enim quod volo, illud ago, sed quod nolo, illud facio. Dicit enim, quod homo subiectus peccato facit quod non vult, quia naturaliter vult bonum. Sed voluntas hæc semper caret effectu, nisi gratia Dei adiuuet & liberet. Si homo subiectus peccato est, vult quidem malum & operatur, quia seruus est peccati, & eius voluntatem (sicut Tom. 5. supra dixit Aug.) libenter facit, quomodo ergo naturaliter vult bonum ? An est eadem voluntas, id est, idem motus, quo libenter peccato seruit, & quo naturaliter vult bonum ? Si non est eadē voluntas, quæ ergo istarum est, qua cum homo iustificatur, à seruitute peccati liberatur ? Ut n. differimus superius, gratia Dei voluntatem hominis liberat & adiuuat, quæ voluntatem hominis præparat adiuuandā, & adiuuat præparatam. Sed quæ est illa voluntas ? an illa quæ naturaliter vult bonum ? an illa quæ libenter seruit peccato, si tamen duæ sunt voluntates ? Proposita est quæstio profunda, quæ varia à diuersis expositione determinatur. Alii enim duos esse motus: unum quo vult bonum

natu-

Ambr. in

Comment.

ad illud.

Non enim

quod volo,

illud ago: sed

quod odi,

illud facio.

Rom. 7. d.